

JUSTA FUNEBRIA  
VIRO  
SPECTATISS. ET CONSULTISSIMO  
DOMINO  
**CHRISTIANO  
GOLDINGIO,**

Reipubl. Thoruniens. Juris Practico & Civi  
floquentissimo,

*D. 29. Julii, An. 1706. placide & pie defuncto,  
& Dom. IX. Trin. h. e. a. d. 1. Augusti decenti  
solemnitate in Aede Mariana humato,*

à  
CONDOLENTIBUS PROFESS. THORUNIENSIBUS  
SOLUTA.

THORUNII,

Excudebat Johannes Conradus Rügerus, Nobiliss. Senatus & Gymnasii  
Typographus.





*Ex occasione prodigii, quod d. 28. Julii ante V. mat.  
An. 1786. accidit.*

**Q**uid mors est? Tonitru: Tonitru? exhalatio sicca  
E gravido terræ lecta vapore gravis. (a)  
Est tonitru terebrans, est discutiens & adurens. (b)  
Eqvè DEI summi nubibus illud adest. (c)  
Nam cum mortales ingentia crimina patrant,  
Atqvè DEI quidquam verba valere negant.  
Tum DEUS è cœlo tonat, & fera fulmina mittit,  
Ira quo pœnas indicet esse suæ.  
Attamen in justa DEUS ira sæpe benignus  
Non vult interitum, nec mala fata soli.  
Si quoties peccant homines, sua fulmina mittat  
Juppiter, exiguo tempore inermis erit:  
Sic olim vani & cœci dixere Poëtæ.  
Nos aliis verbis reddere verba quimus.  
Si quoties peccant homines, non fulmina mittit,  
Sed bonitate DEUS protegit ipse suos.  
Ast ubi criminibus cumulantur crimina tetra.  
Longævo nunquam tempore inermis erit.  
De tonitru satis est. Mors imperiosa *periti*  
*Goldingi* telo corpora sana ferit.  
*Goldingus* duro non ævo fractus & annis  
Vivere qui totum Nestora dignus erat.  
Immo expers crucis, ac expers sine fine malorum  
Deiphobes longos exuperare dies:

(a) A  
(b) M  
(c) L



Ille jacet Candor, Comusque, Leposque, Jocusque  
Cumque Cupidinibus pluribus alma Venus.  
Ille jacet Themidos justæ, Verique Patronus,  
Atque misellorum porta patensque domus.  
Ille jacet veræ fidei puræque Minister,  
Ille jacet nostri portio chara soli.  
Sic ictus *Golding* maturæ fulmine mortis,  
Latatur supera vivus in arce poli.  
Deridet vani prægrandia fulmina beili,  
Ex pelvi brutum fulgur ea esse putat.  
Sed Viduam, Natas, & Amicos sanguine juncto  
Incolumes præstet dextera chara DEI.

*In honorem & memoriam  
piæ Defuncti f.*

M. MARTINUS Böhmi.

(a) Aristoteles L. II. Meteor. c. 9.

(b) Magirus Lib. IV. Phys. c. 4.

(c) LXX. Pf. 29. v. 3. reddiderunt: ὁ κύριος τῆς δόξης ἱσχυρὸς.

**A**ccidit in puncto, quod non speratur in anno:  
Sic dicitur proverbio.  
Namque solent fieri sæt multa sub æthere sæpe,  
Quæ nemo speravit fore.  
Hic surgunt, alibi subsidunt culmina montis.  
Hic fons scatet, alibi fugit.  
Accendit chalybem momento fulguris æstus,  
Resti trahique non nocet.  
Excelsæ rapido feriuntur fulmine turres,  
Salvæ manent humiles casæ.  
Mors quandoque rapit juvenes validosque cruenta,  
Parcit senibus & langvidis.  
Sed cum nulla fides dictis nisi clara loquantur  
Exempla testium loco:

Ma-



Magnus adest horum numerus, *Goldingius* autem  
Sit unus instar omnium.

Paucos ante dies firmo qui corpore nondum

De morte cogitaverat;

Exeqvias verum *Deutschmanno* ritè pararat,

Is ipse mortis iter adit.

Dum curæ cessant liventes undique, cura

Funesta Conjugem premit.

Ille novi veterisque peritus juris abunde

Exceptiones calluit:

Qveis acer defensor, Patronusque suorum

Fuit clientum sedulus.

Profuit hic multis, sibi sed prodesse nequivit

In proprio discrimine.

Non valuit contra mortem defendere sese;

Nescivit excipere forum:

Nec concessa fuit justæ dilatio pœnæ.

Nec ulla provocatio.

Attamen haud illum causâ cecidisse putemus,

Licet loqui nesciverit.

Salvator mundi quoniam defendit Eundem

Suo redemptum sanguine.

Qui mortem passum traxit super astra, beatos

Ut vivat inter Angelos.

Felix, qui poterit tacitus sic dicere causam,

Pœnas perennes ne luat.

*Imque ser.*

M. MARTINUS BETLEFFIUS.

